

考工典



考工典第一百十一卷

臺部彙考一

爾雅 釋言

闔臺也

注城門臺疏

謂城門臺也鄭風云出其闔闔毛傳云闔曲城也闔城臺也

釋宮

四方而高曰臺

疏

四方而高者名臺卽上闔也

釋名 釋宮室

臺持也言築土堅高能自勝持也

山堂肆考 臺

慕許臺戴延之西征記許昌城本許由所居城東北七里有許由臺高六丈廣三十步邑人慕許由

讓德而立

絃歌臺在東昌府武成縣西一十里有子游祠

金石臺在江西撫州城西有

名峯五第一峰獨高餘四峯差小名金石臺與第四峯聯屬後石洲水流其中故時有金石臺分丞

相出之語宋晏殊王安石相繼拜相人以爲應

吹笙臺在温州府城南相傳周靈王子晉吹笙

處

吟詩臺保定府易州大寧山有吟詩臺相傳五代時馮道吟詩於此

草元臺在成都府

治西南揚雄宅

鹿女臺在泰州城內昔有王仙翁居山中見馴鹿產女於草莽中挈養於菴鹿

來乳之後十六載仙翁築臺居之

龍虎臺在居庸關南臺廣二里袤三里與積粟山相峙有龍

盤虎踞之狀故名

垂楊臺在夔州府達縣治宋時所築臺下有麟遊池叢石山修竹園躑躅園

凌虛臺在鳳翔府治東北宋陳希亮守郡時建從事蘇軾爲作記詳見釋怨

畿輔通志

順天府

聚燕臺在府城東南采育村有阜高一丈廣三四十尺曰聚燕臺歲秋社燕辭巢日京畿城村燕必各將其雛數千百聚此臺呢喃二日乃去爲話將別約所羣歸也

釣魚臺在阜城門南十里花

園村古花園後爲村今平疇已金玉鬱釣魚臺有泉湧地出爲玉淵池古今人呼鬱臺焉呼釣臺焉且合而呼之釣魚臺以名元丁氏亭焉馬文友亭焉今不臺亦不亭矣堤柳四垂水四面一渚中央渚置一榭水置一舟沙汀鳥閒曲房人邃藤花一架水紫一方自萬曆初爲李皇親墅

風臺在

懷柔縣東南四十五里北屋莊鄒衍鎖風洞前風聲凜冽身不敢近

### 保定府

天風臺在唐縣葛洪山椒仙翁隱居修煉之所

北臺在唐縣中山城北慕容垂都中山時登此

以望馬耳雙峯

堯母臺在慶都縣東按地理志伊祁山堯母所居故築臺於此曰靈都山又曰

望都山蓋堯母之名也因以名臺

晾馬臺在雄縣西北高數丈容萬餘人武城塚記燕魏分易

水爲界築二臺耀武且晾馬焉故名

蘭馬臺在易州金臺北昭王廣延方士多築臺館至今敗

壁猶有石刻

三公臺在易州東南燕昭王時築樂毅劇辛鄒衍燕遊之處

### 河間府

虞丘臺在任丘縣北袁淮莊相傳漢吾丘壽王讀書處吾虞聲相近遂訛爲虞

廣川臺在景州

治東臺高三丈上有傑閣三層元禧尹呂思誠移董子祠於此因名

胡蘇臺在東光縣學東南

高二丈餘周圍二十丈餘又名鐘鼓臺弘治中知縣游璋以其歸然特起築土爲山與之鼎峙土人

因名之曰三山

燕臺在東光縣北二十里相傳曹丕築以燕友又云齊桓公北伐射雉於此亦



名射雉臺

紀功臺在滄州舊名武帝臺唐太宗征高麗班師次此紀功勒石

文星臺在慶

雲縣東南隅高可遠眺清曉見日出海炯然奇觀

真定府

舒嘯臺在真定古城東元蘇天爵先世隱居讀書之所至正中天爵因高爲臺結欄構屋其上扁曰

舒嘯

獵臺在井陘縣鉏山上燕趙謂山脊爲鉏周穆王傳曰天子北征乃絕漳水於鉏山之下

癸未雨雪穆天子獵於鉏山之西河

鑾駕臺在井陘縣東南七十五里隋文帝邀溧陽公主駐

蹕之地

韓臺在元氏縣南三里泚水之陽纍纍相屬相傳爲韓信出井陘攻趙時虛設糧塚近

日有臺下穿得墓甕者蓋趙氏公族名臣之遺塚韓信建幕於上故因以名其臺與村焉

白鹿

臺在平山縣西四十里漢武帝登眺於此白鹿躍出故名

鷄鳴臺在定州東南二十五里按圖

經漢光武自冀而南舍宿於此因地卑築臺以居鷄鳴而去因名

廉臺在定州南七十里廉頗

爲將時築以練兵者今因以名其村

李牧臺在藁城縣西南十五里土山宜安之間臺高數仞

史記謂趙以李牧爲大將軍擊秦軍走其將桓齮此則李牧駐兵遺址

馬回臺在武邑縣城東

北五十里昔齊攻魯至其郊見婦人抱姪棄子以避軍齊將至問其故婦人曰棄子割私愛抱姪存公義齊將曰魯未可伐也遂班師而還魯君知之旌爲義姑因築臺以識之東一里有墓存焉

仙臺在安平縣北一里臺上建聖姑廟塑像座下有井蓋姑嘗汲水處人以手探之卽得其井焉

上方臺在饒陽縣城東十里其臺高及四丈周圍五里上有龍母祠座下有井每旱常應禱春日草卉先芳又謂之先春臺 營臺在饒陽縣城北十里廣二畝高數尺乃光武行營每經水澇與之

高下不能盡沒

望漢臺在趙州治南漢將耿純築此以望光武

千秋臺在高邑縣南二里

漢光武旣平王郎行至鄆諸將請上尊號弗許適有同舍生疆華者奉赤伏符來羣臣復固請因築臺於此卽帝位 拜將臺在贊皇縣城南永豐社回車村北世傳韓信釋李左車縛東向坐師事之間以伐燕齊之策遺址尙存

### 順德府

檀臺在府城史記趙成侯二十年魏獻榮椽因以爲檀臺

宋臺在南和縣東南八里唐宋文貞

公璟故里其宅在臺南里許又傳臺旁有澆花井七十二處其遺跡與煙水消沈矣

鬪鷄臺在



南和縣相傳爲宋公子鬪鷄處

張耳臺在唐山縣西北十二里漢張耳與韓信下趙駐兵於此

因築臺

繫馬臺在唐山縣南二十五里漢光武避王郎兵繫馬於此有光武廟

東盟臺在

任縣東二十里韓信襲齊楚遣龍且救之信與且盟於此

### 廣平府

廉頗臺在府城南十里十六國春秋冉閔遇慕容恪於廉頗臺下十戰皆北卽此

會盟臺在鷄

澤縣東二十里春秋諸侯同盟處

叢臺在邯鄲縣東趙武靈王所築上有雪洞天橋梳粧翠被

及據勝亭諸景漢鄒陽傳武力鼎士衽服叢臺之下東漢光武與馬武登叢臺魏劉邵趙都賦云立

叢臺於少陽

洪頗臺在邯鄲縣境內東漢郡國志及通典云洪頗臺與叢臺並著於趙唐李白

有登洪頗臺置酒觀兵詩

說法臺在成安縣境內相傳曹溪二祖慧可旣受達摩衣偈乃遊鄴

之成安說法於匡教寺隋時築說法臺明嘉靖己未年邑人又建閣其上

鳳凰臺在成安縣北

五里相傳有鳳凰集其上呂純陽赴邯鄲時曾登此題西江月一闕後人因構呂仙祠於其上

### 大名府

禮賢臺在魏縣東南魏文侯築以禮賢士

烽火臺在內黃縣北四里宋楊延朗築以禦契丹

鹿臺在濬縣西武王散鹿臺之財卽此

昆吾臺在開州顯項城內昆吾當夏時嘗霸諸侯 重

華臺在開州南昔衛靈公築卽仲叔圉諫言處

霸王臺在開州東南十里舊傳楚懷王遣宋義

項羽救趙駐此築

康王臺在長垣縣南五十里金圍汴康王募兵入援駐此

秦臺在長垣

縣西秦始皇嘗行幸至此

招鷹臺在濬縣西五十里殷紂時虞人習鷹處土人訛爲照影臺

### 宣府

軒轅臺在保定州橋山上山海經曰大荒內有軒轅臺射者不敢西向卽此

盛京通志 奉天府

蜎臺按明一統志在今遼陽州城外東北隅金大定中修城役夫毀臺取土及半得石函啟之中有

塊石圓滑天成搖撼作聲破之二大蜎尾稍相鉤見風乃死今臺址無考

釣魚臺在遼陽州城

南三十里相傳渤海大士遊觀之所

仙人臺在遼陽州千山香巖寺仙人對奕之所石枰遺跡

猶存

煉丹臺相傳仙人白仲理煉神丹之處在海城縣西二十里

花露臺有二一在開原



縣南四十里一在縣南三十里相傳邑中二姻親以華麗相尙各築一臺以自矜其建置之年無考

錦州府

望夫臺寧遠州前屯衛城西北七十里相傳秦時貞婦孟姜望夫處

誓臺唐太祖征高麗築以

誓師相傳在廣寧縣城東三十里

江南通志 江寧府

鳳凰臺在府城內之西南隅猶有陂陀僅可登覽中山之孫徐天賜西園相屬焉考自宋元嘉十六年秣陵王顓見三異鳥文彩五色衆鳥附翼羣集時謂之鳳起臺於山因名又按宮苑記鳳凰樓在鳳臺山上宋元嘉中築 雨花臺在府城南三里據岡阜最高處俯瞰城闔舊傳梁武帝時有雲光法師講經於此天雨花故名江南登覽之地三曰甘露曰雨花曰凌歊建炎兵後臺址僅存後人乃請均慶院舊額卽基建寺 九日臺在府南颿館岡上齊武帝九日宴羣臣於此 昭明讀書臺一在蔣山一在姑孰今遺址尙存又溧水有董永蔡邕兩讀書臺 義臺在句容縣西南隅唐孝子張常洧旌表之所

蘇州府

姑蘇臺在郡城外姑蘇山山水記云夫差作臺造九曲路高見百里春秋遊焉 郊臺在郡城橫

山東麓石湖之上吳王郊祭之所

松江府

昇仙臺在上海縣西北七十里王可交昇仙處

常州府

金牛臺在武進縣西三十五里連犇牛鎮輿地志云漢時有金牛出山東石池到曲阿人柵斷其道  
牛因驟犇故名又四蕃志云萬策湖中有銅牛人逐之上東山入土窟走至此柵今柵口及堰皆以  
此號 任公釣臺在無錫縣北二里臨溪任昉爲守嘗垂釣於此 讀書臺在慧山唐李紳遺  
跡

鎮江府

讀書臺在府南招隱山梁昭明太子讀書處 八卦臺在金壇縣茅洞東宋待制陳公甫於紹興



間修道建此臺演畫八卦

淮安府

章華臺去桃源靈城南二里楚靈王遊畋所築

掛劍臺在贛榆縣去泗河南二里有大塚相傳

季札掛劍徐君墓處

梳粧臺在下邳城中有呂布姬梳粧遺址

揚州府

吳王釣臺漢吳王濞所築在揚州城北十二里

孔融臺在府城東南有高士坊卽孔融故宅臺

在宋手詔亭旁亦名寶鏡巷

南宋弩臺一名吳公臺在府西北四里宋沈慶之攻竟陵王築弩

臺以射城中故名

煬帝釣臺在府城外隋煬帝造

鬪鷄臺杜牧之揚州詩春草鬪鷄臺又

趙嘏詩云鬪鷄臺邊花照塵

賦詩臺卽城子山距儀真縣北六里一名東巡臺魏文帝嘗立馬

賦詩於此

文游臺在高郵城東宋蘇軾孫覺秦觀李公麟同遊載酒論文於此

拱極臺在

興化城北上下臨海元縣令詹士龍讀書處明嘉靖間里人遷之北門外知縣傅珮重建今更名

讀書臺在寶應縣西齊興寺內梁武帝讀書處

安慶府

射蛟臺在桐城陽鎮漢武帝南狩登天柱山自潯陽浮江親射蛟江中獲之故名 舒王臺潛邑

治南宋王安石封舒王 祭臺在潛山縣漢武帝祀嶽處在皖山麓 涪翁書臺在潛治黃山

黃庭堅讀書處 天樂臺在潛山縣明鴻臚丞劉若實善七絃偕弟若宰渡石梁踞天池授琴鼓

之曲未終聞空中天樂繚繞有奇禽千百從天柱飛來音同笙磬 仙人臺有二一在潛山白鹿

岸東北上有仙人足跡一在金潭上有石座 煉丹臺在太湖縣香茗山梅福煉丹於此 焚

身臺太湖縣內燈明山僧法寶禱雨不應焚身卽得雨常有燈光見其處 分經臺在宿松縣北

五十里有石高百餘丈梁昭明太子分金剛經於此 讀書臺在宿松縣南三里唐李白避安祿

山亂至宿松依邑宰閻丘築臺讀書 釣魚臺在宿松陳漢山溪傍張果老垂釣於此有足跡

泣竹臺在望江縣城內孟宗母嗜竹笋時值嚴冬攀竹而泣笋卽破土出後爲雷池漁官望人德之

神其孝感爲立臺

徽州府



釣臺在府城南富登渡鄭師山釣處

寧國府

春歸臺在郡西門城高阜爲郡人春遊之所

劉遺民釣臺在涇縣水西寺左白雲潭上遺民嘗

爲柴桑令後棄官釣魚於此有石巋然下臨潭水

琴高臺在涇縣琴溪高山之巔或云卽蘇耽

也以其好鼓琴故以琴高目之

歃血臺在旌德縣石柱山梁時程忠壯靈洗將兵討侯景築臺

誓衆於其上因以爲名

池州府

白鶴臺在青陽縣東南保寧觀相傳白鶴仙煉丹處

釣魚臺在青陽縣九華山嘉魚池上相傳

竇子明李化文垂釣處

丹臺在石埭縣外陵陽山中峯之半高二百餘丈竇子明煉丹於此

太平府

凌歊臺在當塗縣黃山有石如案高可五尺頂平而圓孝武帝建宮避暑處

廬州府

教弩臺在府東關九獅橋北曹操教弩處

明達臺在府東梁縣鄉周圍皆水中有一洲故老相

傳鮑明達讀書於此

義門臺在府城西十八里唐萬敬儒三世同居親亾廬墓大中年間旌表

其門因以名臺

避暑臺在廬江縣東北隅舊傳曹操行軍時嘗於此避暑今爲城隍廟

石

釣魚臺在廬江縣南八里石磯枕河流可釣一統志云左真人釣魚處

漕臺在無爲州城內宋

時設漕運司以轉江襄漕事

孔子臺在巢縣西北五十里公路鋪之北有石橋相傳孔子臺橋

也 拜郊臺在霍山縣南門裏漢武帝南巡至此祭告今廢

### 鳳陽府

判虎臺在定遠治後宋包拯斷虎處

觀魚臺在府西七里莊子惠子觀魚處

八仙臺在盱

眙縣東三里有八仙坐石

望夫臺在天長縣西南三里相傳有女子望夫不歸立化爲石

曬書臺在宿州閔孝鄉閔子墓側

望荆臺在靈璧縣荆人思親築

釣魚臺在潁州東七

十里潁水北岸漢末袁容游釣此處

章華臺故址在亳州乾谿側楚靈王戰死處

讀書臺

在亳州察院曹操築冬夏讀書址存

東西二臺在亳州東一里曹操觀稼於此

八角臺在



亳州東南三里舊傳曹操大饗軍士於此

義臺在定遠縣東二十里五代時有梅氏宗族聚居

岡下鳴鼓會食南唐後主築臺表之

徐州

戲馬臺在徐州城南一里許項羽因山築臺以觀戲馬

戰臺在徐州城南八十五里漢呂布與

曹操相持築城於此城上有戰臺

宴喜臺在碭城東五十步臺上有石刻三大字相傳唐李白

筆

厭氣臺在豐城內秦始皇東遊以厭王氣因築此臺今呼秦臺卽此

歌風臺在沛縣治

東南泗水西岸漢高祖征英布還宴父老作大風歌因名

射戟臺在沛縣南門西漢袁術攻劉

備於沛呂布救之發箭中戟遂退師

滁州

悟經臺在州琅琊山卽張方平寫二生經處

廣德州

集仙臺在州橫山巔漢張真君禮斗處

釣魚臺在州治北二十五里舊傳爲張志和釣魚處

鳳凰臺在州治北門外知州鍾振募工築鳳凰墩結屋其上名鳳凰臺爲州治壯元武之勢

江西通志 南昌府

龍沙臺在府城北江水之濱白沙湧起堆阜高峻其形如龍舊俗爲重九登高處明初駕至南昌築臺沙上集父老諭之曰陳氏據此軍旅需供爾民甚苦之今俱不以相勞其各事本業爲吾良民父老皆感悅呼舞云 繙經臺在新建縣雙嶺崇勝院相傳謝靈運繙經於此 甘露臺在豐城

縣北海慧院宋淳熙中經藏成有甘露降於寺因作臺名甘露 嘯臺在進賢縣北山龍岐元末

龍興路判官辛敬築時兵戈四起郡屢受殘敬扞禦有功又築臺於此扼險譙望行首平章道童扁曰嘯臺取長嘯却敵之義邑人包希魯爲記臺上有節士祠祀同時死節之士樊明仲等若干人釣臺在盩州西雙井之側石高十餘丈平衍可坐數人宋黃庭堅題釣臺二字鐫石上

饒州府

觀魚臺在贛州門外相傳吳芮觀魚於此 玉真臺在安仁縣後玉真山唐進士柳求德道過寓

此讀書刻玉真臺三字於石上



廣信府

飛昇臺在貴溪縣治南二里道家言異人王表修煉於此白日飛昇

南康府

康樂臺在府治西二十里謝靈運遊此故名

冷水臺在建昌縣治西晉吳猛游息之處

九江府

歇馬臺在府舊圖經云始皇至廬山歇馬於此

白鹿昇天臺在府天池寺世傳嘗有白鹿於此

昇仙明洪武年御製周巔仙傳建碑亭於臺上

建昌府

鳳翔臺在府治後宋黃曦詩春風桃李鳳翔臺

超遙臺在南豐縣西唐邑宰獨孤及賞月夜抱

琴登臨亦名琴臺

翠筠臺在廣昌縣饒希明建何文淵有記

撫州府

翻經臺在府治南寶應寺謝靈運爲臨川內史時于此翻大涅槃經因名臺有石刻翻經臺字存于